




1909

kat. komp.

I. Maa. St. Dr.

P



QVINQVE

PRÆDICABILIA
LOGICOPOETICA.

QVIBVS PRIMAM PHILOSO-
PHIAE LAVREAM AB ALMA SOCIE-
TIS IESV OLOMVCENSI ACADEMIA DE-
cretam Nobilibus ac Eruditis D.D.

D. CONRADO HETZER ab Auroch Nob: Mora:

D. Fr: MICHAELI BENKOVICZ Sclauo Ord:
S. Pauli primi Eremitæ religiofo.

D. GEORGIO GVSKY Boruffo S.D.N.alumno.

D. PETRO ALPHÆO Noruego S.D.N. alumno.

D. NICOLAO HRVBSKY Morauo, Illustr: Card:
ac Epifcopi Olom: alumno.

D. IOACHIMO STEPINO Marchico S.D.N. alum:

PRÆDICAT

at
gratulatur

NOBILIS ET GENEROSVS

MARCIANVS STRZESKOVSKY POLONVS

*in eadem Academia Oratoria Studiosus, B. M. V. Vifitantis,
Sodalibus, Sodalibus, Conuictoribus, Conuictor
Conuictus & Sodalitatis ergo.*

VS + SO

OLOMVCII, Typis Georgij Handelij.

ANNO: M. DC. V.

1554. XII. 54.

Felicis

6m



*Ne pariant prima ô iuvenes fastidia fronte
Nomina de logicis fontibus hausta velim
Nomina sunt logices, sed verba poetica, sed res
Vestra: potest vestrum non placuisse decus?*



1909 I

BIBLIOTHECA
UNIV. IAGELL.
GRACOVENSIS

1516
ANTEPRÆDICABILE.

NOBILI AC GENEROSO

D. CONRADO HETSER

AB AVROCH Morauo.

Hendecasyllabum.

SIc fratres sine fratre; sic sodales
Collegâ sine sese ouationi
Accingent? vbi charitas, amorq;?
Sin vos ista mouent; ouemus vnâ.
Fratrum gratia rarâ; sed colenda.
Et nos ibimus. ibimus. sequemur.
Quin mox auspice gratulante Musa
Præcedemus eos præibimusq;.
An fors præripiemus his triumphos;
Lauros, & titulos & hos honores?
Absit, nec Sophiæ Triumuiratus
Decernit sua dona (dico laurus)

A 2

Ni iustos

Ni justos meritò labor crearit:
Dignos Lydius aut lapis probarit.
Nobis linea prima nota necdum
Huius curriculi: & tenenda meta
Si jam jam foret ista Marciano;
Istam cederet iste Marcianus
Conuictoribus his sodalibusq;.
Et quod pro Eurialo patrauit vno
Nisus, pro socijsq; fratribusq;
(Fratrum gratia tanta) Marcianus
Vel lapsu proprio patrare vellet.
Ergo nec sequimur nec hos præimus?
Est & qua præeamus & sequamur.
Vt tibicine præcinente ponè
Princeps subsequitur, vel imperator,
Sicut lampade præferente lumen:
Sic nos ibimus antè præcinendo
Et vestras celebrando voce laurus,
Et vestras decorando luce laurus.
Sic nos creditis ire; sic præire?
Sed cùr non ita vos canens præirem;
Et de Pierio meo calore,

Et de

Et de Pierio meo liquore
Vestram non recreem rigemq; laurum?
Sic cantu recreabo, sic rigabo.
Ut se perpetuo propaget æuo
Hoc, hoc nomine vota mitto Phæbo:
Si nostras sinat interire laurus;
At vestras faciat virere laurus.

OS (:) SO

G E N V S.

REVERENDO AC ERUDITO

D. Fr. MICHAELI BENKOVICZ, SCLAVO

Ord. S. Pauli Pr. Eremitæ.

IONICVM MONOCOLON

Meruisti, petijsti, obtinuisti
Titulum, Laureolam, Nomen, Honorem.
Age Virtus, age lætare, triumphæ,
Age rursus repetas pristina rempla
Tibi quondam sapienter data Romæ:

A 3

Vbi

Vbi delubra & honori & tibi Virtus
Propè communia tradunt posita esse:
Tamen vt vestibulum & limen honoris
Coleret Diua, nec ulli gradus vnquam
Ad honorem foret vllus, nisi primùm
Sua libamina libasset & isti;
Nec honos premia donaret alumniis,
Nisi præiudicium Diua dedisset.
Petitis ciuica pro ciue redempto;
Male ciues petitis querceaserta
Nisi Virtus spoliaret termites quercum
Spolium & pollice plectens det honori
Tribuendum. penetrasti hostica castra,
Inimicos prior inuadere muros,
Inimicas prior inuadere puppes,
Generosè, benè, feliciter, ausus:
Sine vallo, sine pinnis, sine rostris.
Tibi digno dabitur curta corona;
Nisi vallum, nisi pinna, nisi rostra.
Generoso locet in vertice Virtus.
Meruisti obsidionalem animosè
Opus, vt gramina Virtus legat vna:

Alio-

Alioqui nec ad auras Zephyrorum;
Nec ad afflatum auidum Chloridis alinæ
Pariet terra tuis gramina fertis.
Petitis festa triumphalia cæsis
Inimicis; prius hæc luxuriantes
Ad Olympi juga lauros populetur.
Petet hæc munera; Phœbus dabit ultrò,
Petet alter, vel honoris titulo vel
Alio nomine, erit surdus Apollo,
Erit hic Harpocrates, atq; petentem
Malè dimittet inanem, nisi furto
Redeundo, properando, fugiendo,
Tacitus furcifer hinc manticuletur
Aliquot decrepitæ segmina lauri
Alienoq; Deo pilea furtim
Sibi cudat. Tibi non sic, socijsq;,
Quibus ipsissima Virtus studiumq;
Merito vindice despondit honorem:
Nec amico mage Phœbo, nec amicâ
Mage Diuâ Sophiâ, contigit vllus
Penetræ hoc sacrum honoris pede, quam vos
Adijstis, celebrastis, penetraſtis.

SPECIES.

AD D. GEORGIUM GUSKY

BORUSSVM S. D. N. A.

ANACREONTICA.

O Pulchra, pulchra Daphne
 Nouo virore vernes,
 Niteas nouo nitore
 Borussus ille noster,
 Lauri ille candidatus,
 Et laureæ corollæ,
 Te nunc procatur vnam.
 Modo termitem tenellum
 Decerpat in corollam,
 Contentus hinc amicè

Discedet

Discedet atq; blandè;
Age dicet ille, Daphne,
Age laurus inter omnes
Effloreas sorores.

Age prima Nymphularum,
Age sis comes Dearum;
Tuus ille sic Apollo,
Te deperire pergat.
Amet, colat, procetur.
Sic te ille sic fluentis
Niueisq; limpidisq;
Peneijs fluentis
Alat, educet, rigetq;
Tibi Nympha blandiatur
Viridesq; dente peccat.
Virides comas eburno.

Sic nullus ex proteruis
Satyrisué semicapris
Faunisué te fatiget.
Parnassium sed usq;
Sic incolas cacumen;
Nisi fortè te receptam
Locet inter astra Phoebus.
Quin verò jure Daphnen.
Locet inter astra Phoebus:
Si Gnossium monile
Locat inter astra Bacchus?
Quando ista, quando plura
Meliora, lætiora
Daphne audies precantem
Nunquidne pænitebit
Dedisse te corollam ;

Tam candido atq; grato
Aglaiæ alumno,
Sophiæq; candidato?
Scio pænitebit illud,
Illud pudebit unum
Meliora non dedisse
Nec pulchriora ferta.
Tam gratus ille dices,
De fronde viliori
Fueratnè laureandus?
Sed macte Diua, macte
Vertente forsan anno
Redibit ille noster:
Tunc Diua des corollam
De lætiore ramo
Culpam elues priorem.

DIFFERENTIA.

ERUDITO AC INGENUO D.
PETRO ALPHAEO NORVEGO,
S. D. N. alumno.

TRICOLOS TETRASTROPHOS.

O Stentet alter iusta monilia,
Hastasq; puras, torquibus additis;
Ostentet armillas, corusco
Conspicuas phaleras & auro.

Opima lætus dedicet ardua
Derepta summo militiæ duci:
Feretrioq; det Tonanti
Fortè tribus soluenda bobus.

Tarpæa rupes hunc videat caput
Lauro micantem legitimâ, hostibus
Fusis, fugatis, interemptis,
Auspicio meliore victis.

Romanus

Romanus isthæc; & sua Græculus
Trophæa jactet lignea & ænea,
Et Græciæ contra receptos
De lapide edificata mores.

Athleta oliuas jactet Olympicas,
Et clara laurus germina Delphicæ,
Isthmiq; pinu gloriatur,
Et Nemeæ apio coronæ.

Me sarta Phæbi laurigeri mouent,
Et præter omnes vnica laureas
Hæc laurus arridet, Sophiæ
Quæ nitidis sobolescit hortis.

Hæc vna belli non timet aleam,
Non missa cælo fulmina, non faces,
Non arma, non pauet Tyrannos
Inuidiam medio vrget vngue.

Hæc vna secum certa periculi
Testis Bias est) omnia fert sua,
Hæc, cymba quamuis naufragetur
Enatat incolumis supellex.

Delulter Euris, flent aquilonibus
Noti irruentes, grex Hyadum exeat,

Nascatur Orion, manebit

Deliaci inviolata laurus

Hæc sunt vestra præmia laurea

Quos in Sophiae curriculo dies

Probavit, hora, mensis, annus,

Indecores minimè esse lauro.

Hiems minetur frigore, & imbribus

Autumnus, æstas æstibus; hunc & has

Ridet minantes vestra laurus

Atq; minas vacuas remittit.

Non sic & illæ quæ senio labant,

Ætate marcent palmula olympica,

Trophæa subsidunt & arcus

Degeneres subeunt ruinas.

At dum Sophiae stabit honos suus,

Dum digna stabit gloria literis,

Laus vestra semper enitescet

Damna mali & superabit æui.



PROPRIVM.

JNGENVO AC ERVDITO D. NI

COLAO HRVBSKY MORAVO,

Illustrissimi Cardis: alumno.

PHALEVCIVM.


ET non exulet omnis hinc veternus?
 ET quisquam juvenum litet Vacunæ?
 Et non Murcia sit valere iussa?
 Nondum Strenua sit domum reducta?
 Insudans studiis phalanx honestis,
 Et pro Marte suam colens Mineruam
 Ex imis penetralibus Sophiæ
 Prodit laurigerâ revincta vittâ:
 Laurus vertice vibrat atq; dextrâ;
 Lauro dextra viret viretq; vertex.
 Et nos non Sophiæ flagramus æstro?
 Mentis degeneres adhuc fouemus?
 Laurum si gelidi darent triones,

Sile

Si septemgeminæ fluenta Nili,
Si telqua Hesperia remota Thules,
Si quæ sol oriens videt cadensq; :
Eſſet vel gelidâ petenda ab Arcto
Et de Niliacis ferenda ripis,
De Thule rapienda inhospitali.
Sed non hic superandus eſt Olympus
Cujus nubibus imminet cacumen,
Non Parnassia non terenda rupes,
Non Phocis penetranda, non Athenæ.
En noſtris ſoboleſcit illa in hortis,
Nobis naſcitur hæc domi propago.
Et decerpere termitem pigebit?
Et lætâ caput impedire lauro?
Tu ne docta juuenta blandientem
Laurum temne; decet comas Deorum
Intonſum decet illa ſola Phœbum
O ſaſtidia! naſceas ineptas!
Laurum ſpernere; ſegregare laurum!
Non aptare manus, caput, capillos,
Captandæ, ſubeundæ, & induendæ
Inuitanti, adeunti, & ambienti?

Vos

Vos agmen socium nouâ coronâ
Vinctum, laureolis micansq; baccis
Inuitat similes sequi labores:
Quos possint similes sequi triumphi.
Iusta est credite: iusta Diua Pallas:
Post pugnam sua da suis trophæa.



ACCIDENS.

ERV DITO DOMINO JOACHIMO
STEPINO MARCHICO, S. D. N. A.
ODE TRICOLOS TETRASTROPHOS.

AN quia nam ver vario prata colore pingit;
An quia nam terra suas diuitias profundit
Mensem hunc indigitarunt
Aprilem?

Scilicet hic vitam aperit floribus atq; sertis,
Nunc hyemis, nunc Borea spicula mitiora,
Nunc adnauigat aura
Fauonij.

C

Nunc viola profiliunt illiciuntq₃ dextras,
Nunc oculos captat adulando nitore primo
Chloris, munere diues
Mariti.

Nunc gravidis parturit arbos onerata gemmis,
Nunc Bromii vitigena, Palladiaq₃ bacca
Et spe & germine multo
Tumescunt.

Quid ni etiam luxuriat, pullulet atq₃ vernet
Vere nouo, fronde noua, dote noui viroris
Laurus nata notandis
Triumphis!

Imo viret, luxuriat, pullulat atq₃ vernat,
Proq₃ suis irriguis proq₃ suis apricis
Frontem lambere gestit
Juuenta.

Ergo fuga precipitis dememinisse Daphnen!
Ergo sinus Deliaci spernere velle Phæbi,
Ut serpat iuuenili
In ore!

Mente

Mente cares nunc reliqua forte velut sorores:

Anne etiam tunc caruistiratione Phæbum

*Cum auersata prementem e-
uolasti!*

Sed scio tunc mente vicens atq; valens fuisti,

Brachia cum diffugiens atq; sinus eburnos

Sacro in vertice sedem

Tulisti.

Nunc quoq; nec mente minor nec ratione Daphne es

Cum Sophia fronte sacra teq; tuasq; pangis

Baccas, latior ut mox

Virescas.

Perge virens, Aeolius sic tibi nemo turbo

Officiat, plenior ut pulchrior atq; nobis

Vertumno redeunte

Reuertas.



Alte et cetera non est veritas
Alte et cetera non est veritas

Alte et cetera non est veritas

Alte et cetera non est veritas

Alte et cetera non est veritas
Alte et cetera non est veritas

Alte et cetera non est veritas

Alte et cetera non est veritas

Alte et cetera non est veritas
Alte et cetera non est veritas


Alte et cetera non est veritas

Alte et cetera non est veritas

Alte et cetera non est veritas
Alte et cetera non est veritas

Alte et cetera non est veritas

Alte et cetera non est veritas



Biblioteka Jagiellońska



SI010013902

